

FARANDULA

PAUL NEWMAN:

"Lo mi retira
ora mi nota cu
peliculanen no
ta ser gusta"


Paul Newman di 63 aña, casa cu Joane y tin 35 aña casa a bisa cu e lo retira di cine ora cu e nota cu su peliculanen no ta ser gusta mas. E tin solamente un yiu muher, ya cu su yiu Scott a muri na 1978.

El a sigui bisa cu ainda e tin forza pa traha. No e mesun energia cu e tabata tempo cu e tabata tin 30 aña. Pero e no ta temie pa viehez. E ta pensa di yege cu su casa Joanne Woodward.

Paul Newman a bisa cu su infancia tabata poco tristo ya cu su mayornan tabata obreronan cu no por a dune mucho comodidad. Pesey el a haye cu e obligacion di cuminsa traha for di mucha.

Den su tempo liber e ta dedica su mes na caredanan di auto. Cuidando su cabaynan na e rancho cu e tin na California y tin ora yuda su casa cushina.

Newman a bisa cu semper el a rabia pasobra cu hendenan ta



yame e mucha homber di wowonan blauw.

Ora cu a puntre si e ta considera su mes "sexy" el a bisa cu, loque cu ta "sexy" ta keda pa e

actriznan. Un homber mester ta baronil y nada mas. E ta odia e actornan mediocre cu e unico cos cu nan ta haci ta luci nan musculonan.

Los Bravos a haci un tremendo presentacion na Aruba



For di ora cu nan a yega Aruba por a tende bon comentario di nan. E agrupacion Los Bravos di Hulanda a haci un cos durante parada di carnaval.

Den varios parada por a tende nan, nan a haci presentacion na varios caminda y despues di tur e fiestan aki por a tende solamente cu e agrupacion aki ta bon mes.

Loque e publico a goza mas ta di cu un di e integrantenan ta tocando cu solamente un banda di man. Pero e zonidononan cu e ta duna ta profesional. Tin hende ta para ratonan largo pa mira con e musico profesional aki ta dirigi su mes ariba e orgel.

Un anochi sumamente placentero tabata cu Los

Bravos den Don Vale, caminda conociman a bini hunto pa un biaha mas disfruta di e tremendo agrupacion di Hulanda y tin den nan grupo algun Arubiano.

Tambe tin algun damas cu unda cu e agrupacion biaha nan ta bay hunto cu nan y tabata na Aruba tambe pa goza di e tremendo carnaval.



Un tremendo show e bailarina Sharrons a duna den Don Vale comiendo candela sin quima. Ariba e foto por mira Ruben, Eddy di Don Vale, hunto cu e artistanan.



PALM VILLAGE

RESORT

Job Opportunity

with basic salary + commissions + bonuses + free lunch

Requirements:

- communication abilities
- own transportation
- English is a must

for appointment please call 33494,
between 9-12 a.m. Ask for Elly.